

Յոյնք պնդէին թէ ունիմք հրաման և գիր վասն այնոցիկ .
 Բդեշխն ասէր . զի եթէ դոցի այնպիսի գիր ինչ 1813 թուա-
 կանէն զկնի , ճնոտոցեն դրունքն որպէս և էինն , խի եթէ
 ոչ , քակեսցին եւ բարձցի նորահնար որմն 'ի միջոյ . բայց
 զքակումն միայն բանիւ աւանդեաց և ոչ 'ի գիր արձանա-
 ցոյց , որպէս զայլս : Ստեփանաքի Պէյն՝ որ ունին դնէր
 վիճմանց երկուց ազգաց վասն հիւսիսային դրան՝ ասէ
 ցիւրսն 'ի Յոյն բարբառ . զի՞ այդչափ վիճէք և յամառեալ
 կայք 'ի բանս ձեր . զի՞ ոչ օգուտ կամ մնաս հասանէ ձեզ
 'ի դրանէդ յայդմանէ , յետս կացէք . իսկ նոքա դարձեալ
 հաստատուն կացեալ 'ի բանս իւրեանց , ասեն . Թափօրին
 մերոյ է հարկաւոր : Փոխանորդն Հայոց՝ իրազեկ լեալ բա-
 նից նոցին ասէ . Յոյնք 'ի տարւոջ միանգամ ունին Թա-
 փօր . 'ի ժամուն՝ բացցուք՝ եւ կամ բնաւ ոչ փակեսցուք
 'ի գիշերին յայնմիկ . զի Հայք եւս ունին Թափօր յաւուր
 տօնի Ծննդեան իւրեանց , որ երբեմն ելեալ 'ի հարաւային
 դրանէ Այրին , դառնային զառաջեալ եկեղեցւոյն Յու-
 նաց , դուք ընդէ՞ր փակէք յայնմ՝ գիշերի զայն դուռ .
 առ այս խոստացան բանալ զդուռն և շրջիլ Հայոց :

Յովհաննէս եպիսկոպոս գրեալ ազգ առնէ զայսոսիկ յերու-
 սաղէմ առ Զաքարիա Պատրիարք և պատուիրէ զդուշանալ
 յամենայնի . զի մի խարդախանօք և կամ հնարիւք ինչ յար-
 մարեսցեն գիր 'ի ձեռն Քարտուղարի դատարանին վասն
 դրանց եկեղեցւոյն Իեթղեհէմի : Իսկ Պաշտօնեայն արտա-
 քին դործոց ոչ կարացեալ յայնժամ անձամբ անձին վճա-
 րել ինչ , և կամ լուծանել զխնդիրն , յղեաց յատեան ար-
 դարութեան . ընդ նմին և զայլ կարեւոր խնդիրս , զորոց
 պատմեսցուք յետոյ : Անդ 'ի քննութեան 'ի միտ առին՝ զի
 Հայք խնդրէին բառնալ զրաժանորդութիւնն 'ի հիւսիսային
 դրանէ , եւ միայն սեփհականեւ ինքեանց . Յոյնք դժկա-
 մակեալ պատճառէին զարգելումն Թափօրին : Եւ վասն ար-
 տաքին դրան Յոյնք պնդէին ըստ մտաց հրովարտակին
 ՎՊԱ թուին սեփհական ինքեանց , եւ ոչ կամէին լինել
 ընկերովի . Հայք ընդդէմ դարձեալ ասէին . զի որովհետեւ
 հրովարտակն Սէլիմայ Արքայի հիմն ընտրեցաւ , եւ զհրո-
 վարտակն զոր յառաջ բերեն Յոյնք , երիցադոյն է ժամա-
 նակաւ քան զհրովարտակն տուեալ զինի մեծի դատին ,